

太上三清三寶至尊報德酬恩法懺

太上天寶元始至尊報德酬恩法懺

太上天寶元始至尊報德酬恩法懺

玉府闡教妙達真人孟珙敬撰

起讚

三仰啓俱稽首  
投地然後跪唱

仰啓彌羅梵寶尊  
瑤階俯伏盡皈身

仰啓香林梵寶尊  
洗心淨口更皈神

仰啓瓊霄梵寶尊  
輸忱竭悃共投誠

情緣溯本還報本  
心切求真益奉真

遐稽草昧資開闢  
混沌剖後樹經綸

無聲臭絕等倫  
渺渺巍巍位玉京

後天賢聖知多少  
總在先天一炁存

開道統 亘古今 昭垂經法度天人  
無量功德難殫述 惟矢齋明禮玉宸  
今朝虔設朝天醮 道衆同賡步虛聲  
大聖無上梵寶大天尊三稱  
淨心神咒  
太上台星 應變無停 驅邪縛魅  
保命護身 智慧明淨 心神安甯  
三魂永久 魄無喪傾  
淨口神咒  
丹朱口神 吐穢除氛 舌神正倫

通命養神 羅千齒神 却邪衛真  
喉神虎賁 氣神引津 心神丹元  
令我通真 思神鍊液 道炁常存  
淨身神咒  
靈寶天尊 安慰身形 弟子魂魄  
五臟玄冥 青龍白虎 隊仗紛紜  
朱雀玄武 侍衛我真  
安土地神咒  
元始安鎮 普告萬神 嶽瀆真官  
土地祇靈 左社右稷 不得妄驚

回向正道  
內外澄清  
各安方位

備守壇庭  
太上有命  
搜捕邪精

護法神王  
保衛誦經  
皈依大道

元亨利貞

淨天地神咒

天地自然  
穢氣分散  
洞中玄虛

晃朗太元  
八方威神  
使我自然

靈寶符命  
普告九天  
乾羅怛那

洞罡太玄  
斬妖縛邪  
度人萬千

中山神咒  
元始玉文  
持誦一遍

却病延年 按行五嶽 八海知聞  
魔王束首 眞聖衛軒 兇穢消散  
道德成全

金光神咒

天地玄宗 萬炁本根 廣修億劫  
證吾神通 三界內外 惟道獨尊  
體有金光 覆映吾身 視之不見  
聽之不聞 包羅天地 養育羣生  
誦持萬遍 身有光明 三界侍衛  
五帝司迎 萬神朝禮 役使雷霆

鬼妖喪胆 精怪亡形 內有霹靂  
雷神隱名 洞慧交徹 五炁騰騰  
金光速現 覆護真人

祝香神咒

道由心洽 心假香傳 香爇玉爐  
心存帝前 真靈下盼 仙旆臨軒  
今臣關告 徑達九天

伏以

本厚根蟠。千古不改柯易葉。源深流遠  
。萬禩祀識派別支分。此所以川流原於敦



化。報本必自先天。端肇於虛。事從其  
朔。緬維

南宮化梵炁。結成大羅天。於是  
元始天尊出祖劫。居清微宮。號曰天寶  
君。厥境曰聖聖境者。謂成聖之祖。諸  
聖之所造端也。嗣是  
玉宸天尊出祖劫。居禹餘宮。號曰靈寶  
君。厥境曰真真境者。謂登真之祖。諸  
真之所造就也。再傳

降生天尊出祖劫。居大赤宮。號曰神寶君。厥境曰仙仙境者。謂金仙之祖。諸仙之造謁也。尋之虛無。而不克測。究之徵實。而有可憑。倘無實範。曷以開玄。非麗虛空。焉能肇始。人能覺悟玄微。即此慧參妙諦。臣等忝列道門。追原道祖。惟是報本之中。更推報本。投誠之下。益切投誠。謹炷真香。虔誠上啓。

南宮紫府至尊

中啓

四御五老至尊

九宸十華至尊

日月兩曜慈尊

南辰北斗慈尊

三十六天天尊

周天河漢星真

下啓

值年太歲至德星君

佐玄護法諸大靈官

郡縣城隍顯佑尊神  
鄉坊里域社令尊神  
雲空過往游弈尊神

同注齋壇。鑒茲誠悃。許容瞻禮。願  
竭稱揚。稽首皈依。曷勝懼忤懇禱之  
至。

至心朝禮

太上無極至尊妙道

太上無極至尊寶經

太上無極至尊宗師

讚

元苞未剖 莫辨陰陽 清甯尊定 賴神王  
開闢在洪荒 天地輝光 悠久樂無疆  
大聖天寶元始 大天尊三稱

至心皈命禮

一元之始。萬道之宗。鬱羅蕭臺。玉山  
上京。處上極無上。大羅之境。檀熾鈞  
音。蒼胡頡揭寶。總玄之又玄。衆妙之門  
。建立三才。開張萬範。凝三氣而結爲  
三境。初肇天根。命九宸而列位九霄。

總司雷令。大悲大願。大聖大慈。虛無自然。元始天尊。

臣等伏聞。

具大神通。斯能肇開混沌。握真樞軸。始克尊定乾坤。當草昧之洪荒。尚晦冥而渾噩。未分天地。疇別陰陽。緬維元始至尊。祖太初之質。誕始一元。運冲妙之神。化生兩大。分輕清氣。上結為天。移重濁氣。下凝為地。而於是乎。皞陽朱赤。成幽玄變鈞。以立九天之

名。山澤邱原。青黃赤白黑。以有九地  
之目。稱父稱母。爰著清甯。曰厚曰高  
。相依履戴。天始於一。地始於二。合  
二始以定剛柔也。天終於九。地終於十  
。合二終以備閏餘也。天中於五。地中  
於六。合二中以遺歷數也。無體無方。  
莫窮化裁之蘊。職覆職載。誰探成立之  
原。是皆淵穆之神。克尊高卑之體。臣  
等叨生兩大。羣沐鈞陶。累劫蒙恩。敢  
忘伊始。稽首皈依。五體投地。

至心朝禮

玉清聖境元始道祖天寶無上大天尊

拜九

玉清聖境鬱禪天天寶分化天尊

玉清聖境兜率天天寶輔化天尊

玉清聖境不驕天天寶應化天尊

昊天金闕玄穹玉皇上帝

承天效法后土普載皇祇

萬雷宗主勾陳天皇大帝

萬星教主北極紫微大帝

東方九炁天中蒼靈青老大帝



南方三炁天中丹靈赤老大帝  
西方七炁天中皓靈白老大帝  
北方五炁天中鬱靈黑老大帝  
中央一炁天中玄靈黃老大帝  
上元一品賜福天官大帝  
中元二品赦罪地官大帝  
下元三品解厄水官大帝  
玉清內相警化孚佑上帝  
東岳岱宗天齊仁元聖帝  
西岳華山金天仁昭大帝

南岳衡山柱天仁明大帝  
北岳恆山安天仁貞大帝  
中岳嵩山鎮天仁壽大帝  
二溟四海水部主治靈王  
江河淮濟四瀆主治靈王  
諸山諸水各部管轄尊神

讚

文明乍啓 七曜生光 雲衢經緯 燦天章  
懸象著輝煌 晝轉宵行 萬古耀穹蒼  
大聖天寶元始 大天尊三稱

至心皈命禮

一元之始。萬道之宗。鬱羅蕭臺。玉山  
上京。處上極無上。大羅之境。檀熾鈞  
音。蒼胡頡寶。總玄之又玄。衆妙之門  
。建立三才。開張萬範。凝三氣而結爲  
三境。初肇天根。命九宸而列位九霄。  
總司雷令。大悲大願。大聖大慈。虛無  
自然。元始天尊。  
臣等伏聞。兩儀雖尊。晦冥未發光華。  
四象初開。

昭回疇司旋斡。不得神通之力。焉窺造化之機。惟蒙發於屯。斯剝轉而復。緬維

元始至尊。玄之又玄。妙中益妙。以陽之炁化火。火精成日。而鬱儀奔日之仙。因是御之。以陰之炁化水。水精成月。而結璘奔月之仙。因是御之。更凝日輝朗乎於穆。由是日升東海。月現西陲。星則嚮夕而見。辰則與星爲鄰。大右

旋而明晦。乃分晝夜。昭雲漢而躔度。  
可察災祥。是皆一炁絪縕。始獲三景麗  
耀。臣等叨生兩大。羣沐鈞陶。累劫蒙  
恩。敢忘伊始。稽首皈依。五體投地。

至心朝禮

玉清聖境元始道祖天寶無上大天尊

拜九

玉清聖境鬱禪天天寶分化天尊

玉清聖境兜率天天寶輔化天尊

玉清聖境不驕天天寶應化天尊

瑤天紫極圓明道姥天尊

日宮天子鬱儀陽曦帝君  
月華天女太素結璘皇君  
日宮神御義和弭節星真  
月府神御望舒執節星真  
北斗真宰七元解厄星君  
北斗佐領左右輔弼星君  
北斗藩衛三台華蓋星君  
南斗主政六司注算星君  
東西中正三斗鑒照星君  
東方青炁木德星君

西方白炁金德星君  
南方赤炁火德星君  
北方黑炁水德星君  
中央黃炁土德星君  
天宮神首羅睺星君  
天宮神尾計都星君  
天一紫炁金化星君  
太一月孛水領星君  
二十八宿分野星君  
讚

兩儀既尊 諸境稱天 妙從梵炁結方圓  
統馭各司權 大地均瞻 感格一爐煙  
大聖天寶元始大天尊三稱

至心皈命禮

一元之始。萬道之宗。鬱羅蕭臺。玉山  
上京。處上極無上。大羅之境。檀熾鈞  
音。蒼胡頡揭寶。總玄之又玄。衆妙之門  
。建立三才。開張萬範。凝三氣而結爲  
三境。初肇天根。命九宸而列位九霄。  
總司雷令。大悲大願。大聖大慈。虛無



自然。元始天尊。

臣等伏聞。

無名天地之始。有名萬物之母。元苞既剖。兩間不能虛其中。碧落浮空。十極要必有所主。賴分潘而作鎮。斯御宇而調元。緬維元始至尊。本九萬九千之炁。化三十三境之天。爲色爲欲。及無色欲之界。曰想曰愛。併無想愛之官。太虛不空。懸其廖。天表乃共。著其輝煌。轄五行而任五土。敷三德而命三官。

或司善惡功過之由。或操賞罰予奪之柄。  
。風雷水火。在在各有統承。寒燠雨暘  
。方方不容僭替。九垓皆充滿之都。三  
界盡威神之掌。是惟氣運靈樞。乃得神  
昭天府。臣等叨生兩大。羣沐鈞陶。累  
劫蒙恩。敢忘伊始。稽首皈依。五體投  
地。

至心朝禮

玉清聖境元始道祖天寶無上大天尊  
玉清聖境鬱禪天天寶分化天尊

拜九

玉清聖境兜率天天寶輔化天尊  
玉清聖境不驕天天寶應化天尊  
玉清金相天尊  
玉清妙光天尊  
黃曾玉完天尊  
何童平育天尊  
文舉摩夷天尊  
越行濛翳天尊  
皇笏和陽天尊  
堂曜宗飄天尊

端靜皇崖天尊  
恭華恭慶天尊  
元載孔昇天尊  
極瑤極風天尊  
孝芒翁重天尊  
江由阮樂天尊  
曇誓霄度天尊  
元洞妙成天尊  
禁上常融天尊  
賈弈玉隆天尊

梵度上玄天尊  
紫極元皇天尊

回向

伏念大道首重開天。玄宗最尊秘典。金  
口流傳。羣奉說經教主。蕭臺端拱。備  
徵無極神王。雖浩浩乎難窺。洵昭昭乎  
丕著。以參考

至尊之玄妙。實能肇啓夫混茫。神蘊一  
元。炁周萬有。成天立地。佑盤古以敷  
功。懸象著明。化兔烏而介路。諸天凝

於梵炁。萬劫咸仰玄元。更稽所著洞真  
經。有如上煉、上妙、上真、上清、太  
一、開化、黃林、妙林、道教、道德、  
仙人、妙真、是爲十二尊經。計文二十  
三萬三百八十卷。闡發玄微。宣揚道旨  
。匪惟大乘之宗祖。抑亦覺世之津梁。  
臣等曷勝踴躍懼忤再拜稽首而獻頌曰。

天寶大梵王 開闢肇玄綱

陰陽賴尊定 日月荷久長

著天尊法律 列聖仰威光

凡情矢私祝 國祚固金湯  
雨順風調協 時和及歲康  
於今齊俯首 目注彩雲鄉  
茲當禮誦畢 情深回向章  
萬古良因會 爐內爇真香  
再申稱念切 天地永無疆  
梵天天寶大天尊三稱  
覃恩不可思議功德  
太上天寶元始至尊報德酬恩法懺全

廣化弟子惠覺校訂

太上靈寶玉宸至尊報德酬恩法懺



太上靈寶玉宸至尊報德酬恩法懺

玉府闡教妙達真人孟珙敬撰

起讚

三仰啓俱稽首  
投地然後跪唱

仰啓彌羅梵寶尊  
瑤階俯伏盡皈身

仰啓香林梵寶尊  
洗心淨口更皈神

仰啓瓊霄梵寶尊  
輸忱竭悃共投誠

情緣溯本還報本  
心切求真益奉真

遐稽草昧資開闢  
混沌剖後樹經綸

無聲臭絕等倫  
渺渺巍巍位玉京

後天賢聖知多少  
總在先天一炁存

開道統 亘古今 昭垂經法度天人  
無量功德難殫述 惟矢齋明禮玉宸  
今朝虔設朝天醮 道衆同賡步虛聲  
大聖無上梵寶大天尊三稱

淨心神咒

太上台星 應變無停 驅邪縛魅  
保命護身 智慧明淨 心神安甯  
三魂永久 魄無喪傾

淨口神咒

丹朱口神 吐穢除氛 舌神正倫

通命養神 羅千齒神 却邪衛真  
喉神虎賁 氣神引津 心神丹元  
令我通真 思神鍊液 道炁常存  
淨身神咒  
靈寶天尊 安慰身形 弟子魂魄  
五臟玄冥 青龍白虎 隊仗紛紜  
朱雀玄武 侍衛我真  
安土地神咒  
元始安鎮 普告萬神 嶽瀆真官  
土地祇靈 左社右稷 不得妄驚

回向正道  
內外澄清  
各安方位

備守壇庭  
太上有命  
搜捕邪精

護法神王  
保衛誦經  
皈依大道

元亨利貞

淨天地神咒

天地自然  
穢氣分散  
洞中玄虛

晃朗太元  
八方威神  
使我自然

靈寶符命  
普告九天  
乾羅怛那

洞罡太玄  
斬妖縛邪  
度人萬千

中山神咒  
元始玉文  
持誦一遍

却病延年 按行五嶽 八海知聞  
魔王束首 眞聖衛軒 兇穢消散  
道德成全

金光神咒

天地玄宗 萬炁本根 廣修億劫  
證吾神通 三界內外 惟道獨尊  
體有金光 覆映吾身 視之不見  
聽之不聞 包羅天地 養育羣生  
誦持萬遍 身有光明 三界侍衛  
五帝司迎 萬神朝禮 役使雷霆

鬼妖喪胆 精怪亡形 內有霹靂  
雷神隱名 洞慧交徹 五炁騰騰  
金光速現 覆護真人

祝香神咒

道由心洽 心假香傳 香爇玉爐  
心存帝前 真靈下盼 仙旆臨軒  
今臣關告 徑達九天

伏以

本厚根蟠。千古不改柯易葉。源深流遠。  
。萬禩祀識派別支分。此所以川流原於敦

化。報本必自先天。端肇於虛。事從其  
朔。緬維

南宮化梵炁。結成大羅天。於是  
元始天尊出祖劫。居清微宮。號曰天寶  
君。厥境曰聖聖境者。謂成聖之祖。諸  
聖之所造端也。嗣是  
玉宸天尊出祖劫。居禹餘宮。號曰靈寶  
君。厥境曰真真境者。謂登真之祖。諸  
真之所造就也。再傳

降生天尊出祖劫。居大赤宮。號曰神寶君。厥境曰仙仙境者。謂金仙之祖。諸仙之所造謁也。尋之虛無。而不克測。究之徵實。而有可憑。倘無實範。曷以開玄。非麗虛空。焉能肇始。人能覺悟玄微。即此慧參妙諦。臣等忝列道門。追原道祖。惟是報本之中。更推報本。投誠之下。益切投誠。謹炷真香。虔誠上啓。

南宮紫府至尊



中啓

四御五老至尊

九宸十華至尊

日月兩曜慈尊

南辰北斗慈尊

三十六天天尊

周天河漢星真

下啓

值年太歲至德星君

佐玄護法諸大靈官

郡縣城隍顯佑尊神  
鄉坊里域社令尊神  
雲空過往游弈尊神

同注齋壇。鑒茲誠悃。許容瞻禮。願  
竭稱揚。稽首皈依。曷勝懼忤懇禱之  
至。

至心朝禮

太上無極至尊妙道

太上無極至尊寶經

太上無極至尊宗師

讚

瓊臺百寶 座滿香風 爲天立帝佈神功  
事業頌恢宏 道極穹窿 萬古仰玄宗  
大聖靈寶玉宸大天尊三稱

至心皈命禮

居上清界。號靈寶君。祖劫化生。九萬  
九千餘梵炁。赤書煥發。六百六十八真  
文。因混沌赤文。而開九霄。紀元洞玉  
歷。而分五劫。天經地緯。巍乎造化之  
宗。樞陰機陽。卓爾雷霆之祖。大悲大

願。大聖大慈。玉宸道君。靈寶天尊。  
臣等伏聞。

無量宏功。端在爲天立主。有緣勝會。  
惟是輔聖鍾生。固西國之發祥。正三天  
之有慶。請言梗概。備述因由。緬維  
靈寶至尊。繼元始而登命。大神化以開  
玄。既虛寂以無爲。復彌綸而布濩。爰  
紀上帝。首出開天。生浩劫前。爲混元  
祖。梵炁結成聖質。駕輿抱送光嚴。用  
慰夫祈禱之殷。遂兆夫玉皇之瑞。由是

帝誕生而修證。位金仙而如來。更悟大乘正宗。以入虛無妙道。歷劫累累。功德超超。黃金闕內。因是道冠諸天。白玉京中。咸奉至尊無上。等倫俱絕。思議奚從。是皆深荷祿抱扶持之力。乃爾克成統天御極之尊。臣等叨生兩大。羣沐鈞陶。累劫蒙恩。敢忘伊始。稽首皈依。五體投地。

至心朝禮

上清真境玉宸道祖靈寶無上大天尊

拜九

上清真境梵輔天靈寶分化天尊  
上清真境禪善天靈寶輔化天尊  
上清真境應聲天靈寶應化天尊

光嚴妙樂國王聖父天尊

寶月光皇后聖母元君

東華至極少陽木父天尊

西華至極瑤池金母皇君

寶花成蓋高虛清明大帝

經筵啓問闡教昊天大帝

經筵啓問贊化玉虛大帝

紫微碧玉保制劫運天尊  
六波天主普施法閔天尊  
六天洞淵伏魔上上天尊  
協天靈佑神威遠鎮天尊  
太醫神王金容慈救天尊  
句曲上真三茅應化天尊  
大羅班首三教總司天尊  
泰玄都省開宗演法天尊  
天機都省宏慈演教天尊  
天樞都省注生利物天尊

天醫都省好生保命天尊  
上玄都省龍門演派天尊  
三天侍衛護法四部天王  
侍宸奉御妙香玉女真仙

讚

清輕上位 雲路蕭寥 帝藩星野布天曹  
經畫別宸霄 宮闕崇高 九聖著勳勞  
大聖靈寶玉宸大天尊三稱

至心皈命禮

居上清界。號靈寶君。祖劫化生。九萬



九千餘梵炁。赤書煥發。六百六十八真  
文。因混沌赤文。而開九霄。紀元洞玉  
歷。而分五劫。天經地緯。巍乎造化之  
宗。樞陰機陽。卓爾雷霆之祖。大悲大  
願。大聖大慈。玉宸道君。靈寶天尊。  
臣等伏聞。

本道開天。輕清莫知紀極。維天有漢。  
寥廓更仰蒼冥。不有神聖之化裁。安見  
天衢之靈境。祥雲鬣鬣。紫霧氤氳。緬  
惟

靈寶至尊。緣赤書之煥發。造玄妙之僊鄉。結自浮空。創所未有。以炁化炁。化成列天之都。以神運神。運就凌雲之府。蕭臺苑。境判而三。煥照妙嚴。霄區爲九。神霄首冠。八極四分。青碧丹紫之殊名。景太玉琅之別殿。各霄各位其尊。惟九惟司其部。日月遞遊其下。星辰聯綴其中。浩漠冲虛。宰制無窮之化。包涵覆育。怙冒萬類之生。夔絕而不可端倪。仰瞻而疇堪比似。是皆化神

於空洞。乃爾森布於穹窿。臣等叨生兩  
大。羣沐鈞陶。累劫蒙恩。敢忘伊始。  
稽首皈依。五體投地。

至心朝禮

上清真境玉宸道祖靈寶無上大天尊

拜九

上清真境梵輔天靈寶分化天尊

上清真境禪善天靈寶輔化天尊

上清真境應聲天靈寶應化天尊

南極長生統天元聖天尊

貞明大聖雷聲普化天尊

尋聲赴感太乙救苦天尊  
玉虛師相蕩魔濟苦天尊  
九天可韓司朱陵度命天尊  
九天採訪使保劫應運天尊  
赤皇上品南丹紀壽天尊  
文宣至聖興儒盛世天尊  
九天文衡更生永命天尊  
孚佑上帝興行妙道天尊  
東方玉寶皇尚天尊  
南方玄真萬福天尊

西方太妙至極天尊  
北方玄上玉宸天尊  
東北方度仙上聖天尊  
東南方好生度命天尊  
西南方太靈虛皇天尊  
西北方無量太華天尊  
上方玉虛明皇天尊  
下方真皇洞神天尊

讚

開明三景

齋訂時書

六十甲子任推除

五劫未分虛步算無餘日月樂舒徐  
大聖靈寶玉宸大天尊三稱

至心皈命禮

居上清界。號靈寶君。祖劫化生。九萬  
九千餘梵炁。赤書煥發。六百六十八真  
文。因混沌赤文。而開九霄。紀元洞玉  
歷。而分五劫。天經地緯。巍乎造化之  
宗。樞陰機陽。卓爾雷霆之祖。大悲大  
願。大聖大慈。玉宸道君。靈寶天尊。

臣等伏聞。

乾坤既尊。穰穰未識推遷。淳悶初開。蚩蚩何知節候。不釐訂夫木金水火。安所別乎春夏秋冬。仗大神通。乃開運會。緬惟靈寶至尊。發元洞之玉文。肇星官之步算。藉木以名龍漢。藉金以號延康。而赤明之名。繫於火分。開皇之號。繫於水宮。更取土運。以定上皇。在當時第謂之劫。在後世則稱以歲。大撓宗作甲子。而軒轅於是有干支。黃龍負呈圖書

。而河洛於是啓秘奧。文傳漆簡。篆紀  
雲龍。嗣是蠢假愁中。閱時者週終復始  
。元會運世。編年者自少加多。皆由啓  
玉歷於九天。乃爾昭歲時於萬禩祀臣等叨  
生兩大。羣沐鈞陶。累劫蒙恩。敢忘伊  
始。稽首皈依。五體投地。

至心朝禮

上清真境玉宸道祖靈寶無上大天尊

拜九

上清真境梵輔天靈寶分化天尊  
上清真境禪善天靈寶輔化天尊



上清真境應聲天靈寶應化天尊

上清道運天尊

上清太元天尊

紫清元老天尊

三天獨尊天尊

解脫玄光天尊

紫霞浮蓋天尊

玉京垂惠天尊

逍遙十善天尊

雲華見相天尊

三界清通天尊  
玄隱無爲天尊  
虛無越行天尊  
眞遊高上天尊  
圓通自在天尊  
赤帝清魂天尊  
白帝侍魄天尊  
黑帝生炁天尊  
青帝養血天尊  
黃帝中主天尊

五劫輪轉天尊

回向

勿

伏念三皇沕穆。原非荒遠難稽。三境神

通。更自昭彰足據。經天緯地。寂默以

肇玄宗。樞陰機陽。化裁而開道範。以

今備考

至尊之妙德。實推無上之宏功。聖主立

而有君。天人得所依仗。元歷紀而有準

。歲月庶有統歸。宜乎高出重霄。俯臨

九太。神超億劫。化被萬天。更稽所著

洞元經。有如元陽、靈和、無量、內音、洞玄、大劫、煉生、元辰、消魔、按魔、上開、上通、是爲十二尊經。計文八十有萬四千卷。後洞真而爲之闡。先洞神而爲之傳。發洩玄機。與赤書而並煥。宣揚道寶。佐苗玉帝以敷功。讚嘆靡窮。摺雙摭曷罄。臣等無任踴躍懽忻。再拜稽首。而獻頌曰。

靈寶無極尊  
黍米化天人

紫微瓊臺內 妙梵越等倫  
無量大功德 何幸澤凡塵  
羣情既共喻 皈命益皈神  
惟願相我后 嘉樂佑且申  
山川永鎮奠 海宇樂陽春  
茲當禮誦畢 頂禮竭微忱  
萬古良因會 懇祝報君親  
再申稱念切 天表靄卿雲  
梵天靈寶大天尊三稱  
覃恩不可思議功德

太上靈寶玉宸至尊報德酬恩法懺全

廣化弟子惠覺校訂

太上神寶道德至尊報德酬恩法懺

太上神寶道德至尊報德酬恩法懺

玉府闡教妙達真人孟珙敬撰

起讚

三仰啓俱稽首  
投地然後跪唱

仰啓彌羅梵寶尊  
瑤階俯伏盡皈身

仰啓香林梵寶尊  
洗心淨口更皈神

仰啓瓊霄梵寶尊  
輸忱竭悃共投誠

情緣溯本還報本  
心切求真益奉真

遐稽草昧資開闢  
混沌剖後樹經綸

無聲臭絕等倫  
渺渺巍巍位玉京

後天賢聖知多少  
總在先天一炁存



開道統 亘古今 昭垂經法度 天人  
無量功德難殫述 惟矢齋明禮玉宸  
今朝虔設朝天醮 道衆同賡步虛聲  
大聖無上梵寶大天尊三稱

伏以

本厚根蟠。千古不改柯易葉。源深流遠  
。萬禩祀識派別支分。此所以川流原於敦  
化。報本必自先天。端肇於虛。事從其  
朔。  
緬維

南宮化梵炁。結成大羅天。於是  
元始天尊出祖劫。居清微宮。號曰天寶  
君。厥境曰聖聖境者。謂成聖之祖。諸  
聖之所造端也。嗣是  
玉宸天尊出祖劫。居禹餘宮。號曰靈寶  
君。厥境曰真真境者。謂登真之祖。諸  
真之所造就也。再傳  
降生天尊出祖劫。居大赤宮。號曰神寶  
君。厥境曰仙仙境者。謂金仙之祖。諸  
仙之造謁也。尋之虛無。而不克測。究

之徵實。而有可憑。倘無實範。曷以開  
玄。非麗虛空。焉能肇始。人能覺悟玄  
微。即此慧參妙諦。臣等忝列道門。追  
原道祖。惟是報本之中。更推報本。投  
誠之下。益切投誠。謹炷真香。虔誠上  
啓。

南宮紫府至尊

中啓

四御五老至尊

九宸十華至尊

日月兩曜慈尊  
南辰北斗慈尊  
三十六天天尊  
周天河漢星真

下啓

值年太歲至德星君  
佐玄護法諸大靈官  
郡縣城隍顯佑尊神  
鄉坊里域社令尊神  
雲空過往游弈尊神

同注齋壇。鑒茲誠悃。許容瞻禮。願  
竭稱揚。稽首皈依。曷勝懼忤。懇禱之  
至。

至心朝禮

太上無極至尊妙道

太上無極至尊寶經

太上無極至尊宗師

讚

先天梵祖 列聖宗師 三皇五帝現隨時

陶鑄賴恩施 萬古鴻規 道德永昭垂

大聖神寶道德大天尊三稱

至心皈命禮

太清仙境。大赤天宮。巍巍金闕之高。  
渺渺瓊霄之上。降生於無量數劫。說法  
於萬二千天。五千秘言。融三才之妙道。  
。八十餘度。接六趣之衆生。聖德崇高  
。玄功廣博。大悲大願。大聖大慈。無  
量度人。道德天尊。

臣等伏聞

炁梵於虛。空慧佈開天之業。神凝於實

。玄同廣覺世之功。實內皆虛。彌天蓋地。虛中有實。隱聖顯凡。故必無不終無。乃見有爲妙有。緬維神寶至尊。當渾樸之將離。直文明之乍啓。抱深情以化度。乘世運而降生。胚胎於無何有之鄉。變化於不可知之域。五帝三皇之代。時示師謨。殷周秦漢之朝。咸資道範。稱先生而受教。動與天遊。奉長者爲依歸。指與物化。廣成乃爲易號。河上亦屬託名。讚述靡窮。無

非神功妙用。行藏莫測。實為仙祖真宗。  
。皆由梵體化現於古今。是以塵寰荷庥  
於奕禩<sup>庥</sup>臣等叨生兩大。羣沐鈞陶。累劫  
蒙恩。敢忘伊始。稽首皈依。五體投地。  
。

至心朝禮

太清仙境混元道祖神寶無上大天尊

拜九

太清仙境須延天神寶分化天尊

太清仙境高虛天神寶贊化天尊

太清仙境無想天神寶應化天尊



太清洞真天尊

太清洞視天尊

太清七寶天尊

太清五帝天尊

太清元靈天尊

太清道成天尊

太清真道天尊

太清冠法天尊

黃庭空運天尊

無名太玄天尊

大羅靈真天尊  
開顯法門天尊  
運度八威天尊  
演法垂文天尊  
成聖化凡天尊  
會音開宗天尊  
和神濟物天尊  
善誘愚迷天尊  
大慈無我天尊  
常保生神天尊

讚

駕遊西竺 瑞滿函關 談經演法 遍人寰  
道範仰高山 化度仙班 萬聖覲慈顏  
大聖神寶 道德天尊 三稱

至心皈命禮

太清仙境。大赤天宮。巍巍金闕之高。  
渺渺瓊霄之上。降生於無量數劫。說法  
於萬二千天。五千秘言。融三才之妙道  
。八十餘度。接六趣之衆生。聖德崇高  
。玄功廣博。大悲大願。大聖大慈。無

量度人。道德天尊。

臣等伏聞

道莫大於帝王之師。教莫高於仙佛之祖。  
。繼南宮而立範。無名因以有名。資離  
火於丹爐。虛煉還從實煉。綱維三教。  
開度千宗。緬維  
神寶至尊。佈慈說法。咸被舌底春風。  
握黍談玄。時注指頭化雨。光遍燭於幽  
關地戶。音朗聞於法界塵沙。萬二千境  
之天。金聲木鐸。三百六十之佛。證果

跌華。西御青牛。如來資出關之諦。東  
來紫氣。尹喜佩道德之經。子開諸子之  
先。史傳柱下。老立大老之始。望重猶  
龍。八十餘度之洪慈。六趣衆生之接引  
。菩薩尊者。天真皇人。靡不秉教以師  
承。抑亦傾心而勸。是皆德包乎天地  
。乃爾道育夫古今。臣等叨生兩大。羣  
沐鈞陶。累劫蒙恩。敢忘伊始。稽首皈  
依。五體投地。  
至心朝禮

太清仙境混元道祖神寶無上天尊

拜九

太清仙境須延天神寶分化天尊

太清仙境高虛天神寶贊化天尊

太清仙境無想天神寶應化天尊

鍊神超劫異相李祖真君

光祿紫綬難老張祖真君

瑤華錫福少仙韓祖真君

青霞紀異女真何祖元君

風流自在踏歌藍祖真君

富貴解人國戚曹祖真君

青陽啓派北宗一祖真君  
正陽繼派北宗二祖真君  
純陽主派北宗三祖真君  
海陽嗣派北宗四祖真君  
重陽演派北宗五祖真君  
紫陽真人南宗一祖真君  
翠玄真人南宗二祖真君  
紫賢真人南宗三祖真君  
泥丸真人南宗四祖真君  
海瓊真人南宗五祖真君

全真演教北宗邱祖真君  
全真廣教北宗劉祖真君  
全真嗣教北宗譚祖真君  
全真領教北宗馬祖真君  
全真翼教北宗郝祖真君  
全真洪教北宗王祖真君  
全真體教北宗孫祖真君  
玉樞右宰開玄宏教真君  
玉宸少宰隆恩宏濟真君

讚



鼎爐梵火 鍊就雷霆 驅除邪祟 召天丁  
法籙顯威靈 千百官君 効命拱神京  
大聖神寶道德大天尊三稱

至心皈命禮

太清仙境。大赤天宮。巍巍金闕之高。  
渺渺瓊霄之上。降生於無量數劫。說法  
於萬二千天。五千秘言。融三才之妙道  
。八十餘度。接六趣之衆生。聖德崇高  
。玄功廣博。大悲大願。大聖大慈。無  
量度人。道德天尊。

臣等伏聞

道極尊崇。諸天所由統御。法垂顯赫。萬派乃以稟承。惟化炁發於仁慈。斯威光最爲廣大。恩施億類。令秉鈞天。緬維神寶至尊。宗上清開三八之傳。命雷霆用九五之數。三茅君親受法籙。而句曲於是有傳徒。正一門演習盟威。而龍虎於是綿法嗣。天魔外道。罔敢肆志侵陵。丁甲神兵。無弗克遵律令。祛土精而

逐木魅。世鮮氛。祲。制毒龍。而伏妖狐。  
人歌安樂。欽承者萬天帝主。贊化者玉  
清真王。是皆寓法於雷。以雷顯法。乃  
爾秉玄開籙。以籙明玄。臣等叨生兩大  
。羣沐鈞陶。累劫蒙恩。敢忘伊始。稽  
首皈依。五體投地。

至心朝禮

太清仙境混元道祖神寶無上天尊

拜九

太清仙境須延天神寶分化天尊

太清仙境高虛天神寶贊化天尊

太清仙境無想天神寶應化天尊

玉樞演教雷師皓翁天尊

雷霆都省神功妙濟天尊

雷霆都省慈施普救天尊

雷霆都省情深拯度天尊

天雷上相洪慈廣運天尊

西河救苦妙化難思天尊

混元教主統攝路大真君

統攝天醫好生陶大真君

神霄散吏海南紫清真君

天醫掌院普濟冷大真君  
雷部侍郎隆恩宏濟真君  
玉樞右宰贊化宏教真君  
先天主將總司糾察王天君  
雷霆主將斗口威烈馬天君  
雷霆都督天門護道趙天君  
雷霆都督翊靈昭武溫天君  
雷霆都統天階巡察岳天君  
雷霆上將調燮斗罡鄧天君  
雷霆演教太一青帝幸天君

雷霆上將公正執法張天君  
雷霆上將勇烈秉法陶天君  
雷霆護法號召不二龐天君  
雷霆護法轟烈運轉劉天君  
雷霆護法猛疾驅魅苟天君  
雷霆護法威神激蕩畢天君  
雷霆護法主持太歲殷天君  
雷門都護驅魔激蕩黃天君  
雷門都督九天巡令廖天君  
雷霆威猛保運驅魔雷天君

雷霆上將九府護法衆天君

回向

伏念元始靈寶。開天地於無形。混元降  
生。昭玄元於有象。化周萬國。道育諸  
天。秘典貯瑤函。匪歸寂默。道綱垂寶  
覺。廣佈梯航。不登大赤之宮。焉識爐  
錘之妙。以今沿流法籙。蓋地彌天。傳  
度淵源。開來繼往。暢於鍾呂。統厥佛  
仙。更稽所著洞神經。有如太清、內秘  
、徹視、洞淵、集靈、真一、小劫、黃

庭、中精、無量、集宮、集仙、是爲十  
二尊經。計文八十有萬千卷。與洞真、  
洞元相爲表裏。合玉清上清互爾發明。  
浩浩郁郁之文。於斯宣蘊。灑灑洋洋之  
美。至此抒光。菁華益茂。玄妙愈深。  
臣等無任踴躍懽忻。再拜稽首。而獻頌  
曰。

流演玄綱主 道德亘古今  
無極轉太極 生人更覺人  
秘言發奧旨 道戒致叮嚀



萬代溯宗祖 根原在降生  
德涵天地外 三教盡歸真  
惟願庇海內 國土樂昇平  
茲當禮誦畢 稽首謝洪恩  
萬古良因會 天仙派日新  
再申稱念切 道炁保長存  
梵天神寶大天尊三稱  
覃恩不可思議功德  
太上神寶道德至尊報德酬恩法懺

全

廣化弟子惠覺校訂

敬刊道藏版大字本

三清寶懺 北帝寶懺善長芳名

- |          |          |          |          |
|----------|----------|----------|----------|
| 陳國超樂助叁仟元 | 麥添樂助貳佰元  | 盧忠傑樂助壹佰元 | 李添成樂助壹佰元 |
| 何美樂助貳仟元  | 郭彥樂助貳佰元  | 盧忠耀樂助壹佰元 | 駱桂枝樂助壹佰元 |
| 吳耀東壹仟貳佰元 | 李華卓樂助貳佰元 | 盧坤儀樂助壹佰元 | 周慶添樂助壹佰元 |
| 何容樂助壹仟元  | 蘇萃和壹佰伍拾元 | 李門葉道香壹佰元 | 葉銳志樂助壹佰元 |
| 陳誠欽樂助壹仟元 | 蘇萃明壹佰伍拾元 | 慶雲古洞捐壹佰元 | 吳堅樂助壹佰元  |
| 戴銘修樂助壹仟元 | 蘇提奮樂助壹佰元 | 陳門朱道卿壹佰元 | 周本源樂助壹佰元 |
| 邱志樂助捌仟元  | 羅碧珠樂助壹佰元 | 李威樂助壹佰元  | 高詠樂助壹佰元  |
| 謝劍修樂助伍佰元 | 盧葦生樂助壹佰元 | 陸文德樂助壹佰元 | 邱能樂助壹佰元  |
| 洪慰蓮樂助伍佰元 | 盧劉桂珍捐壹佰元 | 何清泉樂助壹佰元 | 傅玉棠樂助伍拾元 |
| 杜潤森樂助叁佰元 | 盧忠興樂助壹佰元 | 程其光樂助壹佰元 | 劉志光樂助伍拾元 |
| 邱志堅樂助貳佰元 | 盧忠良樂助壹佰元 | 勞兆棠樂助壹佰元 |          |

以上共四十三名合共樂助印刷費港幣壹萬伍仟元正（數目收支兩訖）  
 支付印製三清寶懺五百套北帝懺五百本合計印刷費港幣壹萬伍仟元正  
 道曆四六八三年歲次丙寅仲春 香港雲泉仙館藏版  
 送經處：（一）香港大道西335-339號廿二樓雲泉仙館有限公司上

歡迎翻印 功德無量  
 流通傳誦 福有攸歸

（非賣品）

（二）新界粉嶺坪輦路大埔田村 雲泉仙館道教圖書室  
 電話：五一四七二五六九 五一四零九九七七

電話：零一九四二一九四 零一九四五一一八